

修訂日期 2009/04/23 発行日期 2009/5/9 発行単位 中華電子

仏典協会 (CBETA) <http://www.cbeta.org> 資料底本 大正

新修大正藏經 Vol 21 No 1325 原始資料 蕭鎮国大德提供

北美某大德提供 No 1325

仏説療痔病経 大唐三蔵義浄奉 制訳

如是我聞 一時薄伽梵 在王舎大城竹林園中 与大苾芻衆五百人

俱 時有衆多苾芻身患痔病 形体羸瘦痛苦縈纏 於日夜中極受憂

惱 時具寿阿難陀見是事已詣世尊所 頂礼双足在一面立 白言世

尊 今王舎城多有苾芻 身患痔病形体羸瘦痛苦縈纏 於日夜中極

受憂惱 世尊此諸痔病云何救療 仏告阿難陀汝可聽此療痔病経

讀誦受持繫心勿忘 亦於他人広為宣説 此諸痔病悉得除差 所謂

風痔熱痔癢痔三合痔 血痔腹中痔鼻内痔 齒痔舌痔眼痔耳痔 頂

痔手足痔脊背痔屎痔 遍身支節所生諸痔 如是痔瘻悉皆乾燥 墮

落消滅畢差無疑 皆応誦持如是神呪 即説呪曰

怛姪他 揭頼米 室利 室利 魔揭 室室 三磨鞞都 莎訶

此呪 (丹蔵云)

怛姪他 頰闌帝 頰藍謎 室利鞞 室里室里 磨羯失質 三婆

跋靚 莎訶

阿難陀於此北方有大雪山王 中有大莎羅樹名曰難勝 有三種華

一者初生 二者円満 三者乾枯 猶如彼華乾燥落時 我諸痔病亦

復如是 勿復血出亦勿膿流 永除苦痛悉皆乾燥 又復若常誦此経

者 得宿住智能憶過去七生之事 呪法成就莎訶 又説呪曰

怛姪他占米 占米 捨占米 占没儺 捨占泥 莎訶

仏説是経已 時具寿阿難陀及諸大衆 皆大歡喜信受奉行

仏説療痔病経